

# Табасарандин СЭС



Табасаран райондин  
жямьяьтлугъдинна - политикайин газат



Голос  
Табасарана

№ 3 (1198) Жвуми, 17-пи январь, 2025-пи йис (2001-пи йисан 5-пи майдианмина удубч1вур)

## Жикъиди

### Кадрйирин ц1ийи программа тйин гъаплну

Республикайин Глава Сергей Меликовди чан Указдиинди СВО-йин иштиракчи-йириз ва ветеранариз бахш даплнайи региондин кадрйирин «Дагъларин дир-баш» программа тйин гъаплну. Дидин гъакънаан республикайин главайи чан телеграм-каналий гъибик1ну.

Думу программа федералин «Игитарин вахт» проектдиз ухшаруб ву. Думу программийан хъуркъувалиинди гъядягъю иштиракчийи кадрйирин резервдий т1ади, дурари насигъятчийирихъди ва тажру-

балу управленцийирихъди абгъювалар гъадагъиди ва ляхин аплиди. Региондин дережайий варит1ан ужудар натижийи улупдар Дагъустандий ляхнарийи деркк-ди, ясана дурар, тест к1ули дурубхди, «Игитарин вахт» программийин финалий иштирак хъиди.

Сергей Меликовдин гафариинди, тешкиллувалин ляхин абхирихъна гъюра ва январин къялариъ заявкийи къабул аплуз хъюгъди.

СМИ.

## Гъулан мяишат

### Марци зегъметнан натижийи харжидар шулдар



Уьлкейин экономикайин артмиш`валик абхю пай киврайи циркларин арайий гъулан мяишатдин цирклар а. Думу цирклиъ лихурайидари, уьлкейин агъалйир экология жигъатнаан марци продукцияйихъди тямин аплуз чпиз айи вари мумкинвалар ишлетмиш аплури, зегъмет зигура. Ав, инкар хъидархъа, думу цирклиъ гъясил аплуз удуч1вру харжарра ц1идар дар, хъа гъавайин шараитарин ужуб йисан цирклин гъясилвал саб-швнуб ражари за, душваъ лихурайидарин гъясил аплуз аьшкъ артухъ шулу.

Ихъ республикайин гъулан мяишатдин цирклиъ лихурайидари абхиримжи йисари ужудар натижийи гъадагъура, яни гъулан мяишатдин продукция

гъясил, думу иша аплувал реформийин йисарит1ан хайлинси артухъ дубхъна.

Ихъ райондйира гъулан мяишатдин продукция гъясил аплбийн хайлин агъалйир машгъулди ву. Дурари гъарисан йимйишар, бистнин мейвийи, т1умт1ар ва жара продукция гъясил аплувал артухъ аплура, яни жилихъ лихурударин къадар йислан-йисаз за шула.

Магъа ккудубшу йисанра райондин гъясилдари гъулан мяишатдин продукция улхъан йисарит1ан артухъди гъясил гъаплну. Райондйи гъулан мяишатдин продукция гъясил аплурайидарин арайий улхъан жергйирий айидар ц1ийи йисан гъаншарий республикайин гъулан мяишатдин Министерствойин ва район-

дин главайин терефнаан наградийирихъди лишанлу гъаплну: гизаф йисари лихури, гъулан мяишатдин продукция гъясил аплбак асас пай киврайи КФХ-йин руководителди лихурайи Седретдин Нурбалаев ва «Курбанов А.» ГКФХ-йин главный агрономди лихурайи Мягъямед Къурбанов - ихъ республикайин гъулан мяишатдин ва тартиб аплру промышленностдин Министерствойин терефнаан вуйи Гъюрматнан грамотийирихъди; Низамутдин Небиев, Седретдин Къурбанов, Паша Гъясанов - «Табасаран район» МР-ин Глава Мягъямед Къурбановдин Чухсагъулин кагъзарихъди. Чав ктабгъю пише намуслуди к1улиз адабгъурайи, ватанпервер, (Аьхир 2-пи машнаъ.)

### «Ватан уьбхрудар» фонддин ц1ийи руководитель – ихъ ватанагъли



РФ-йин «Ватан уьбхрудар» фонддин Дагъустандин филиалин руководителди Табасаран райондин ватанагъли дерккнуду. Республикайин «Ватан уьбхрудар» фонддин ц1ийи руководителди ихъ райондин Хючна гъулан агъали Идрис Къурбанов тйин гъаплну. Идрис Къурбанов шубубпи наслийи военный, СВО-йин иштиракчи, Къагъялвалин ордендин сагъиб ву. Урусатдин президентдин жягътлувалиинди яратмиш гъаплу фонддин асас месэла СВО-йин иштиракчийириз ва дурарин багахълуйириз кюмек тувуб ву.

Табасаран райондин глава Мягъямед Къурбановди дициб абхю жавабдарвалин гъуллугънийн дерккбахъди ихъ ватанагъли тебрик гъаплну. «СВО-йин иштиракчийириз, дурарин хизанариз, спецоперацияйиъ багахълуйириз гъудурдариз аид вуйи месэлийи республикайиъси, ихъ райондйира чпиз артухъди фикир туврайи месэлийи

ву. Умудлу вузаки, яв ляхин СВО-йин иштиракчийириз ва дурарин багахълуйириз уьмрин ери хъана ужу алаплур, яв тажрубайи ва гъевеслували дурариз кюмек тувуз гъязур вуйидарин аьлакыйириз мюгъкам аплуз кюмек тувур. Хъа райондин администрацияйин терефнаан, учуз айи ихтиярариз лигнуду, кюмек тувбан ляхин давам аплудича», - гъибик1ну Мягъямед Къурбановди чан телеграмм-каналий.

Къайд даплну ккундуки, ккудубшу жвуми йигъан РД-йин Глава Сергей Меликов Идрис Къурбановдихъди ва «Ватан уьбхрудар» фонддин регионарихъди ляхин гъабхру департаментдин руководитель Любовь Фроловайихъди гюрюшмиш гъахъну. Дурар СВО-йин иштиракчийириз ва дурарин багахълуйириз кюмек аплбакан, 2025-пи йисаз планарикан ва месэлийирикан гъулхну.

Аь. РАШИДОВ.

### Банкарийи дивнайи пулин къадар за гъабхъну

2024-пи йисан абхириз Дагъустандин агъалйири банкирийи дивнайи пулин къадар 1,1 миллиард манатдинди за гъабхъну ва гъамус думу 138 миллиард манат дубхъна.

Банкарийи дивнайи пул гизаф хъпан себебарикан саб – му процентар ва дурарилан гъюрайи гъазанж за хъуб ву.

Кафари Къавкъаздин регионарин арайийи банкирийи дивнайи пул варит1ан гизаф Ставрополь крайийи ву – 469,6 миллиард манат. Хъа уьлкейийи гъадабгъиш, думу улупбарикан варит1ан улихъ хъайидар Москва ва Санкт-Петербург ву.

СМИ.



## Марци зегъметнан натижийр харжидар шулдар

(Эвел 1-пи машна.)

юстицияин капитан Нурутдин Абасов ахью ва тербияламыш апбаз лигну, дугъан гага, «Табасаран райондин гъулан мяшатдин отдел» МБУ-ийн пишекар Физули Абасова гъациб Чухсагулин кагъзихъди лишанлу гъапну.

Лишанлу гъапдарихъна илтликлури, «Табасаран район» МР-ин Глава Мягъмед Къурбановди гъулан мяшатдин цирклиъ лихурайидарин хъуркьувалар варитлан асасдар вуйиваликан, жили ухъу уърхураликан гъапну ва улубкьурайи цлийи йис бегъерлуб хъуб ккун гъапну.

Зийхъ лишанлу гъапдарин ляхниканра, цибди вушра, ктибтидихъа. Дурарин ляхникан гъерхуб метлеб вуди, узу «Табасаран район» МР-ий айи «ОСХ» МБУ-ийн директорин вазифийр вахтназ вуди тамам аплурайи Агъмад Нурович Аваевдихъди гъорюшмиш гъахъунза. Дугъу гъамци гъапнийи:

-Аххиримжи йисари районди гъулан мяшатдин продукция гъясил аплу хайлин мяшатари йис ужудар натижийринди ккудубклура. Дурари чпи гъясил гъаплу бегъер саб пучвал адарди уч аплуру, алверин точкйир, базрарий масу тувру. Цлийи йисан гъаншарий клули гъубшу серенжемди дурари гъадагъу заан хъуркьувалариз лигну, хайлиндар лишанлу гъапну. Думура райондин гъулан мяшатдин цирклиъ лихурайидарин ахью хъуркьувал ву.

Мисалназ, «Нурбалаев С» КФХ Ярса гъулан кевшанарин ерлешмиш дубхъна. Думу КФХ-ийи ккудубшуйисан 30 гектар тлумтлар багъларин 464,8 тонн тлумтлар уч гъапну (бегъерлувал гъарсаб гектарилан 155

центнер).

Тливак гъулан кевшанарин ерлешмиш дубхънайи «Курбанов А» ГКФХ районди заан ерийн ва гъулан мяшатдин продукция гизаф къадар гъясил аплу тешкилатарикан саб вуди гъисаб шула. Думу тешкилатдин руководитель Абдулмалик Къурбанов ва клулин агроном, дугъан бай Мягъмед Къурбанов, гъулан мяшатдин цирклиъ марци зегъмет зигурайивализ лигну, хайлин наградйирхъди лишанлу дапна. Му фермервалин мяшатдин дахилнаъ тлумтлар багълар, йимишдин багъар, экинур урзу хутлар а. Ккудубшуйисан 72 гектар бегъер тувру тлумтлар багъларин 1335,8 тонн тлумтлар уч гъапну (бегъерлувал гъарсаб гектарилан 185,5 центнер), 5 гектар йимишдин багъариан 90 тонн йимишар (саб гектарилан 180 центнер), 20 гектар экинур дурзнайи хутларин 80 тонн тахил (саб гектарилан 40 центнер) уч гъапну.

«Гасанов П» КФХ Ярсарин кевшанарин ерлешмиш дубхъна. Дидин руководитель Паша Гъасанов жилихъ гизаф лихуз ккунир, чан ляхин ужуйи агъю пишекарарикан сар вуди гъисаб шула. Зигурайи марци зегъметназ лигну, думу саб-швнуб ражари заан наградйирхъди лишанлу дапна. Магъа цлийи йисан гъаншарий клули гъубшу серенжемди гъура думу Чухсагулин кагъзихъди лишанлу гъапну. Ккудубшуйисан думу мяшатди 25 гектар тлумтлар багъларин 253 тонн тлумтлар уч гъапну (саб гектарилан 101 тонн).

«Агропродукт» ООО Тиварин кевшанарин ерлешмиш дубхънайи мяшатарикан саб ву. Думу мяшатдин руководитель Нажмутдин Идрисов чаз айи багъларин

йисан-йисаз заан бегъер гъадабгъуз чалашмиш шулу. Дугъхъан думу ляхин улукьурайи ву. Му мяшатди ккудубшуйисан 29,3 гектар тлумтлар багъларин 520 тонн тлумтлар уч гъапну (саб гектарилан 197 центнер).

Цанак гъулаъ ерлешмиш дубхънайи «Цанакский» СПК-айира гъулан мяшатдин продукция гъясил аплуру. Думура райондин ужударстар мяшатарикан саб ву. Ккудубшуйисан думу мяшатди 21 гектар йимишдин багъариан 360 тонн йимишар (саб гектарилан 180 центнер), чвлин мягъсулар дурзнайи 120 гектар хутларин 237,5 тонн тахил (саб гектарилан 19,8 центнер) уч гъапну. «Цанакский» СПК-ийн руководитель Низамутдин Небиев, Табасаран райондин 95 йис хъпан юбилейин шадлугъан серенжемар тешкил аплбаъ активно иштирак хъувализ лигну, «Табасаран район» МР-ин Глава Мягъмед Къурбановдин Чухсагулин кагъзихъди лишанлу гъапну...

Гъулан мяшатдин цирклиъ гъясил гъаплу продукцияйиз гъаммишан игътияж а. Жвуван кевшанарий гъясил гъаплу продукция муштарйири хъана ужуйи ва артухъди масу гъадабгъуру. Гъит улубкьнайи йис ихъ мяшатарин тешкилатариз бегъерлуб, гъавайин ужудар шараитар айиб ибши.

**У. АБДУЛКЕРИМОВА,**  
гъулан мяшатдин  
отделдин редактор.

Шиклий: лишанлу гъапдарин десте «Табасаран район МР-ин Глава Мягъмед Къурбановдихъди ва «ОСХ» МБУ-ийн директорин вазифийр вахтназ вуди тамам аплурайи Агъмад Аваевдихъди.

**Н. РЯГЪИМОВДИ**  
гъиву шиклий.

СВО-ийн игитар

## «Клубанвализ лигну» медализ лайикълу гъахъну

СВО-ийи иштирак шулайи ихъ ватанагъли, Хючна гъул'ан вуйи сержант Тимур Уружев РФ-ийн Президентдин Указдинди «Клубанвализ лигну» медалихъди лишанлу гъапну.

СВО ккебгъайиз думу Каспийскдин флотдин гъюлин пехотайин гвардейский полкнаъ гъуллугъ аплури гъахъну.

2022-пи йисан Украинайиъ спецоперация ккебгъу садпи йигъланмина дугъу Запорожье, Херсон ва Донецк терефариъ чан эскервалин буржи тамам аплура ва ислягъ халкъ нацистарихъан уьхюра.

Тимур Уружевдиз кюб ражари зийнар гъахъну,



гъаци вушра СВО-ийн женгарий чан буржи тамам аплури ими.

Думу РФ-ийн Министерство оборонайин "Минийр ккадагъбаз лигну" медалихъдира лишанлу дапна.

**У.Къурбанова.**

## Улупбар за гъахъну

Махлукъатлу хабарин дакъатарий мялум аплурайиганси, 2024-пи йисан январь – ноябрь вазари республикайиъ 228,7 миллиард манатдин гъулан мяшатдин продукция гъясил гъапну, му улхъан йисан тялукъ вахтналан 6 процентдинди артухъди ву. Промышленностдин секторийра саб жерге терефариан гъясилвал за гъахъну, гъадму гъисабнаан металлдиан, шюшейикан вуйи шейер, керамикайин плиткйир гъясил аплувал ва жарадарин.

2024-пи йисан 11 вазлин арайиъ Дагъустандиъ 2,8 миллион квадрат метр яшамийш шлу йишв ишлетмиш вализ тувну, му 2023-пи йисан тялукъ вахтналан 2,2 ражари артухъди ву.

2024-пи йисан 11 вазли розничный алверин оборот 801 миллиард манатлан артухъ гъахъну, яни улхъан йисан тялукъ вахтналан 1,4 процент артухъди.

Республикайиъ ккудубшуйисан сабпи гъацлаъ товарооборот 161,21 миллион доллар гъахъну, му улхъан йисан тялукъ вахтналан 5 процент артухъди ву.

## Республикайин агъалирин къадарнакан

Росстатдин улупбаринди (2024-пи йисаз), Дагъустандин агъалирин къадар 3 232 224 кас ву. Дурарикан 45,2 процент шагъарий яшамийш шула. Республикайиъ саб квадрат км йишв'ин 64,30 кас яшамийш шулайиб гъисаб шула. Дагъустан Урусатдин варитлан гизаф миллетар яшамийш шулайи регион ву.

СМИ-ийан гъязур гъаплу Аб. РАШИДОВ.

Гъерхбар

## Агъалири чпин фикрар гъамци ачухъ аплура

Магъа 2024-пи йисра тарихдиз гъубшну. Шлиз-вуш думу йис акуб, шадуб, хъуркьувалар, ужувлар айиб, хъа шлин-вуш к'ваъ пашман хиялар гъитуб гъахъну. Цлийи йис улубкьиган, инсанар думу йисан цлийибдиз, ужувлаз, шадвализ ккилигуру, ккудубшуйистлан ужуб, шадуб хъпак умуд кивру. Агъалирихъди гъорюшмиш шули, дурарихъна, ккудубшуйисан чпин фикрар пуб ккун аплури, гъамцидар суаларихъди илтликлийиза: «Ккудубшуйисан ичв уьмрий фицдар дигиш валар гъахъну, улубкьурайи йисак фициб умуд киврачва, гележегди инсанариз фу ккун аплурачва?»

**Дурари гъамци гъапнийи:**  
**Нарханум Велиева, кейвани.** -Гъарсад йисан ихъ уьмрий ужубра, харжибра ади шулу. Тарихдиз гъабгъурайи 2024-пи йис ийз уьмрий пашманвалин шил гъитбу йис вуди гъубзра. Йиз дада, хайлин яш дубхънайир, уьмрийн гъушну. Гъелбетда, къаби духънайир вушра, гъарсаб саягъти

дугъан гафар, насигъатар к'ваин шулуз. Хъа, жараси к'луруш, ухъу гъарсар ажал хъайир вухъа дупну, сабурра аплура. Сар гъягъуру, тмунур гъюру к'луруганси, дада кечмиш духъну гизаф вахт гъябгъийиз хтул бай гъахъунзуз. Гъадму шадвал гъахъну. Дюнья илбицурайиб ву, ужувларра, харжувларра ихъ уьмрийн юлчйир ву. Улубкьурайи цлийи йис ухъуз варитлан лазим вуйи сагъвал ва уьлкейиъра, дюньяийъра ислягъвал айиб ибши. Сагъвал ва ислягъвал гъахъиш, имбуб гъазанмиш аплуз хъибди.

**Сунаханум Мягъмудова, лихурайир.** -Ккудубшуйисан 2024-пи йис ийз хизандиз хайирлуб вуди гъисаб аплураза. Фици гъапиш, йиз ахъюну велед мектеб ккудубк'лну, чан к'ваз ккуни заан урхан заведениий урхуз уч'лвну. Думу чан к'ваз ккуни пишейин рякъюъ айивали к'ваз рягъят туврашра, думу хизандихъан ярхла айивалиан к'вак гъалабалугъра кади шулу. Хъа йиз гъуншдин хизандиз

духънайи ахью дердери, пашманвалари, йиз к'ваз-ра, гъелбетда, ахью дерд туврайиз. Ватандин ислягъвал уьхъбан гъаравлий гъуллугъ аплурайи жигъил, шубур биц'лирин аба, чан дадайин айи-адру сар велед СВО-ийи гъак'лну. Думу жигъилин контрактдинди Ватандиз гъуллугъ аплури, йиц'лимиржид йис вуйи, жара уькйирин халкъарин ислягъвал уьхъбан женгарий гъахънийи, гъамус, дадайин к'ваин ахью гъван иливну, уьмрийн гъушну. Чан дадайизиси, багъридаризра, учуз, гъуншйиризра, думу жигъил лап гъюрматлу, багъа инсан вуйчуз. Дугъан дада, веледар, хпир гъяргъган, дурарин машнаъ пашманвал гъябкьган жвуванра к'ваз уцру дарап'ди гъубзурдар. Ав, сар йиз гъуншиси, агъзариинди хизанар веледарихъ, биц'лидар абйирихъ, дишагълийир жиларихъ мягърум гъапну му дъвди. Гъит улубкьурайи цлийи йис гъарсаб уьлкейин улихъ-к'лулихъ хъайидарин к'ваъ рягъим яратмиш

аплуб, дюньяийз ислягъвал ва мясляб хруб ибши.

**Мягъмуд Шябанов, пенсионер.** -Тарихдиз гъябгъурайи йис ийз уьмрий харжийи убч'лвндар. Йиз жигъил вахтна, ич ахью абайина-бабу пенсийр адагъруган, чпиз гъурайи пенсия хилиз хътрубкъди, саб-швнуб ваз гъягъюйи. Думу адабгъуру вахтнара пулин ерина жюрбежюр шейер тувуйи. Туканарий лазим вуйи шей, алабхъруб лап кьитд'лтан, талонарихъд'лтан бихъурдайи, хъа гъитмас аьрз аплуб, йиз фикриан, дюз дар. Гъамус гъар вазли увуз улупнайи йигъан яв пенсия хилиз тувру, ккундуш карточкайиз хътап'луз шулу. Туканарий к'луруш, увуз ккуниб вари а. Думут'ланна савайи, тукандиз гъягъюз читинди вуш, заказ аплуз шулу. Къабидаризт'лан савайи, гъюкуматдиан биц'лидариз фукъан пособийр тувра. Биц'лидар гизаф айи хизанари гъадариз гъюру пособийринди мадар аплура. Жара гъулайваларра

улихъант'лан гъамус гизаф а. Мисалназ, яшайишдикан улхуруш, улихъна йисари ляхниан гъюруган, рякъярий айи бат'лиран удуч'лвз даршлу вахтар шуйи, хъа гъамус ич урнарехъна асфальт улубзна. Гъадмура ахью рягъятвал ву. Ккудубшуйисан улхруган, ихъ районди к'лули гъушу ахью шадлугъариканра к'ваин дарап'ди гъитбуз шулдар. Районди к'лули гъубшу «Дагъустандин хизан» республикайин эгъемият айи ахью серенжемди Табасаран райондин 95 йис тамам хъпан юбилейин машквру, гъелбетда, гъарсар ватанагълийин к'ваз шадвал гъахъну. Юбилейин машквраъ райондихъан ярхла яшамийш шулайи, узуз хайлин йисари дяркъди айи таниш инсанар гъяргъюнзуз. Дурар рякъюб, дурарихъди гафч'лал аплуб шадвал дарин? Гъит улубкьурайи цлийи йис гъарсар касдиз, вари уьлкейиз ахью шадвал ва хъуркьувал айиб ибши.

**Гъерхбар гъаплу Фарзилат РАЖАБОВА.**



## Гьарсар касдин бахтлувалин бина

Инсандиз варитлан багьалуб чан хизан ву. Уьмрий варитлан аьхю шадвал гьадму вуки, яв хизандиз уву фицир вуш, гьацирди ккунивал, кьабул алувал, увуз гьюрмат айивал, гьюрматлуди янашмиш шлувал. Хизан яратмиш алуруган, думу фициб, аьхюб, ясана кьялан жюрейин бахтлу хизан шулуш, саризра аьгьдар. Йиз фикриан, думу гьарурин чан бахтнакан асиллу ву. Хьа варидиз аьгьюганси, аьхю хизанар дурумлудар, албагдар шулу. Дици вуйивал ухьуз айи хайлин кьадар аьхю хизанарин жергйири субут алура.

Ихь райондин Кьулиф гьулан агьалйир вуйи Аьзиз ва Аминат Аьзизовар аьхю хизандин эйсийир ву. Му кьюр касди 9 веледдиз уьмур тувну, дурарин гьайгьу гьизигну ва зигура.

Улихьнаси «Жулжагь гьулан совет» ва «Гурихь гьулан совет» СП-йирин дахилнаь айи гьуларин агьалйири сатлиди, Жулжагь гьулан культурайин Хулаь Хизандин йисаз бахш вуйи шадвалин серенжемди кьули гьубшнйи. Думу серенжемдиз гьарсаб гьулан гизаф йисари сатлиди яшаммиш шулайи, гизаф бицидидар айи, СВО-ийи гьулулугь алурайидарин хизанариз теклиф дапнаи. Гьадарин арайиь 50 йисан сатлиди яшаммиш шулайи ва 9 бицир тербияламиш гьаплу Аьзиз ва Аминат айи.

Думу серенжемди Аминат Аьзизовайихьди гьорюшмиш гьахьнийза ва чпин хизандикан пуб ккун гьапнаи. Мугьу гьамци гьапний: «Бицидидар фукьан вуш, дадайн хиларра гьадмукан ву», кьури шулу, ихь яшлуийири. Думу гьаци кьуру гаф вуки, чан вари бицидидариз дадайн хиларин манишин, дугьан ккунивал гьубкьуру. Ав, аьхю хизандиь гьайгьушнарра аьхюдар шулу. Мисалназ, гьарсар бицирихьди гаф-члал алуз вахт дабгнуну, тамшир дапну, думу яв, уву дугьан гьавриь аьхю ккунду. Думутланна савайи, хулан гьайгьушнарин аьхюну пайра дадайн гьюнарин шулу. Дюз гьапиш, хулан гьайгьушнар кьулииз адагьуз аьхю хизандиь аргьаж шулайи аьхюнуар баяр-шубарира кюмек



алуру. Узуз аьгьюганси, аьхю хизандиь аргьаж шулайи баяршубар ляхнихь юкьв хьайидар, чиб-чпиз кюмек алурудар шулу. Дици вуйивал ич хизандин гьаригьандин уьмриан аьгьязуз.

Фукьан бицидидар аш, гьадмукан фикирра, дурарихьан юкьв убгувалра, саспиган дердерра шулу. Хьа думу ихь уьмур ву. Ухьу аьхю хизан тешкил гьапнаган, гьарсабдиз гьязурди ккунду.

Узу Ергьюлигь гьулаь бабкан гьахьунза. Ич дадайн айир узу сар вуза. Гизаф бицидидар айи хизандиан вуйи бицидидариз «бахтавар» кьури шуйза. Хьа йиз хал ккебгьиган, аьхю хизан тешкил алубакан фикрар шуйиз. Гьаци хьуцлур йис улихьна ккебгьу ич хизан гьи хьуцлурилан зина нуфусдинди аьхю дубхьна гизаф шад вуза. Шадвал даринхьа, хулаь хьажижув, хьажиш адарди шулар, яни риш, бай, хтулар-гудлар гьюруган, хал ичи шулар.

Сар риш вуйиз кьури, йиз дадайн узу интледи вердиш гьапнандар. Мектебдиь урхурайиган дадайнхьди, мектеб ккудубкьиган, халачйир гьасил алуру Жулжгьарин цехдиь сумчлур йисанган зина халачачиди гьилихунза.

Кьуруганси, аьхю хизандиь гьайгьушнарра аьхюдар шулу. Урчлур бицир аьхю гьахьиган, дурарин хал-хизан ккебгьуб,

яшаммиш хьуз хал тикмиш алууб абайинна-бабан буржйиркан саб ву. Хьа гьулаь яшаммиш шули, думу вари ляхнар кьулииз адагьуз кьувват ашра, пулин дакьатар гьуркьурдар. Думу читинвалар гьисабназ гьадагьну, баяр-шубаринра кюмекнииди, ич гьулаь йирхьуд цийи хулар тикмиш гьапнаунча. Жилир уста, узу шагурд вуйча. Лисундин члев хьайиз, тяди, устайиз гизафди батлур, гьванар духну, дугьан багахь дивну, лисуз хураг гьязур алуз гьагьюйза. Думуган, гьамусстар яшайишдин шараитар адайи, хьа вушра, ляхин улихь гьагьюз вуйи рякьяр агуйча.

Гьи учлангина аьхю хизан арайиз дуннайич. Гьаддинди уткан вуча. Гьит гьарсар кас аьхю ва бахтлу хизандин эйси ишри...

Жулжгьарин культурайин Хулаь кьули гьубшу серенжемдиь Аьзиз ва Аминат хьуцлур йис сатлиди яшаммиш шулайивализ ва урчлур бицир тербияламиш алубак лигну, «Табасаран район» МР-ин Главайин терфинаан Чухсагьулин кагьзихьди лишанлу гьапнауну. Гьит му хизандин гележег хьана ужуб, бахтлуб ибшири.

**У.АБДУЛКЕРИМОВА,**  
отделин редактор.  
**Шиклий:** Аьзиз ва Аминат Аьзизовар лишанлу алури.  
**Н. РЯГЬИМОВДИ**  
гьиву шикил.

## Картфар уьрхбан кьайдайикан

Картфар «кьубпи уьл» ву кьури шулу. Думу гьаци хьузра ву. Картфари уьл гьипнаганси, инсан тухь алуру, дурарикан жюрбежюр жюрейин хайлин хураг гьязур алуз шулу. Гьаци вуйган, картфар гьасил алувалин машгьул духьнайидара, яни гьам гьулан мяшатадин, гьамсана хусуси секториь лихурайидарин арайиь циб адар. Тарихдиан мялум шулайиганси, картфар гьасил алури, дюнъийин гизаф уьлкьирин инсанар гашвалихьан гьюрхну. Ухьуз мялум вуйиганси, Урусатдин жара регионариьси, ихь республикайин кевшанариьра картфар гьасил алувал заан ерийинди кьули гьабхура.

Кьюрдуз картфар уьрху йишвар сифтена-сифте зиянкьарихьан ва картфарик шлу уьзрарихьан уьрхбан серенжемар кьули духну ккунду. Картфар уьрху йишвар «Бамбер» кумран шашкйир ишлетмиш алури, тартиб дапна ккунду. Диди картфар фузариоза, фомоза ва картфар уьл жара уьзрарихьан уьрхуру, зиянкьар терг алуру. Шашкйириан деебтру кумру картфар уьрху дараматдин тьуркьнаи йишваригь гьубчлври, ухьуз дрякьру йишваригь мукьар алуру зиянкьар терг алуру.

Картфар уьрху йишвар дивайиз улихьна, дурар ужуйи ерщуз циб вахтна ригьухь, кьуб гьафтайин арайиь 15-18 градус манишин айи йишвар дивну гьитну ккунду. Уьрху йишвар дивайиз картфар сортариз жара дапна, гьутлу ва зиян кайи картфарихьан жара алууб чарасуз лазим ву. Даршсана, уьзур кайи картфари сагьу картфарра зегьерлу алуру. Гьаци гьязур гьахьи картфар 2-4 градус манишин айи йишвар уьрхну ккунду.

Пишекрари кьайд алурайиганси, йимишарик лигну, картфар гизаф ламушин ккуни мейва дар, гьаддиз картфар уьрху йишвар картфар уьлбахьан уьрхбан бадали, гизаф ламушин ади ккундар. Картфар уьрху йишвар гизаф ламушин ади гьабхьиш, душвар дивнайи картфар уьл хьогьру, картфарин дадра дубгьу. Картфар йишвар гьайи ишкларий уьрхну ккунду. Картфар айи ишклар жилиин, ясана цалик куркьри дивну ккундар, ишкларин исикк кирпчар ккивну дивру. Эгер картфар уьрху йишвар гизаф ламушин аш, душвар гьак ясана кьил айи гьаб дивуб мясляьт дивра. Дурари ламушин чпихьна зигуру. Картфар айи ишкларий чугьундур ивузра хай шулу, чугьундирра чахьна ламушин зигуру.

Гьулан мяшатадин отдел.

### РЕШЕНИЕ № 17 от 28 декабря 2024 г. О бюджете Муниципального Образования «село Дарваг» на 2025 год и на плановый период 2026 и 2027 годов

**Статья 1.** Утвердить бюджет МО «село Дарваг» на 2025 год по расходам в сумме 7098,7 тыс. руб. и по доходам в сумме 7098,7 тыс. руб.; на 2026 год по расходам в сумме 4929,7 тыс. руб. и по доходам в сумме 4929,7 тыс. руб. на 2027 год по расходам в сумме 4929,7 тыс. руб. и по доходам в сумме 4929,7 тыс. руб.

**Статья 2.** Установить, что доходы местного бюджета, поступающие в 2025 году, за счёт доходов от уплаты федеральных, региональных и местных налогов и сборов по нормативам, установленными законодательными актами Российской Федерации, Республики Дагестан и местным постановлени-

ем;  
- налог на доходы физических лиц – в размере 2 процентов доходов;  
- земельного налога – в размере 100 процентов доходов;  
- налог имущество физических лиц – в размере 100 процентов доходов;  
- дотаций районного фонда финансовой поддержки.

**Статья 10.** Настоящее постановление вступает в силу с 1 января 2025 года.

**Статья 11.** Опубликовать настоящее постановление в районной газете «Табасарандин сес».

**Председатель собрания депутатов МО «село Дарваг» Гасратов Ш.Г.**

### Урхурайидарин секи гьацл пайну мектебдиь мани хураг иплура

Дагьустандин мектебарий 2024-пи йисан вари классарий урхурайи бицидидарикан 48,3 процентди мектебдиь мани хураг иплури гьахьну, мялум гьапнауну республикайин Роспотребнадзорин пресс-гьулулугьну.

РФ-ийн федералин «Жьамьяьтлугьдин сагьламан мягькам алууб» проект тамам алурайи вахтна (2019 – 2024 йисари) республикайи думу ляхин хайлин ужу алапнауну, тасдикь алура гьозчивалин гьулулугьну.

Мянфьяьтлу хураг алубан принципарин гьакьнаан абйир-бабарин аьгьюваларра за,

77,5 процент мектебарий меню ва ассортимент жюрбежюрдар духьна. Ляхнин режим 25 процент мектебарий ужу алапнауну, хураг иплуз айи шараитар 57,5 процент урхбан заведенийири ужу гьахьну. Мани хураг 5-9-пи классарий урхурайи 21,4 процент урхурайидари мектебдиь иплура.

2023-пи йисланмина мониторингдиь образованийин 50-55 тешкилат иштирак гьахьну. Кьюд йисандин вахтна 6830 мектебарий урхурайирихьди ва дурарин абйир-бабарихьди гьерхбар кьули гьахьну.

### Коммуналин кьурулуш цийи алапиди

«Яшайишдиш шараитар» милли проектдин рамкйиригьди коммуналин кьурулуш цийи алаплуз Дагьустандиз федералин бюджетдиан 2,29 миллиард манат жара алубанди ву.

Пул республикайиз шубуд йисандин арайиь рубкьиди. 2025-пи йисан штухьди тьмин алубан аьхю проектар кьули адагьуз Дагьустандиз 640 миллион манат жара алуиди:

Каспийск шагьрин насосарин станцияр ва марци штун резервуарар (Аьбдулманавдин ключейиь насосарин станция) цийи ала-

уз; Каспийскдин водопроводар цийи алауз; Хасавюрт райондин Сулевкент гьулаз шид зигбан цийи линийи тикмиш алуз ва, гьаци, штухьди тьмин алубан сетар яркьу алуз.

Думу проектар кьули адагьуз республикайин бюджетдиан аьлава вуди 330 миллион манатсана жара алуиди, мялум гьапнауну Дагьустандин тикилишдин министерствуйин пресс-гьулулугьну.

(СМИ-йиан).

Республикайиь



## Роман о народном подвиге

В Дагестанском книжном издательстве после семи поэтических изданий в 2024 г. вышел в свет роман «Тайна чести» талантливого поэта – публициста, члена союза писателей России и Дагестана Багира Раджабова.

Роман посвящен памяти легендарного поэта-воина табасаранского народа – Мирзы Калукского.

«Тайна чести» – крупное произведение эпического жанра, повествующее о значительных событиях истории Дагестана XVIII века. Героизм табасаранского, остальных народов Страны гор против персидских завоевателей нашли в романе правдивое историко-художественное воплощение. Как описывает автор, табасаранские ополченцы первыми принимали удары персидских полчищ.

Интерес Б. Раджабова к теме борьбы с завоевателями побудил его как историка, писателя и политика откликнуться на эти давние события. Он сумел извлечь из анналов истории самые существенные эпизоды и исторические факты. По сути, они и стали стеновым хребтом романа.

Автор достаточно подробно изучил историю борьбы дагестанских народов и создал цельное произведение. Можно сказать, что на табасаранском литературном небосклоне появился первый историко-эпический роман-эпопея.

«Сотри случайные черты – и ты увидишь: мир прекрасен!» – писал А. Блок. Автор романа, человек весьма требовательный к себе, видимо, не раз стирал случайные черты, и мир его романа оказался прекрасным.

В книге автор выступает как писатель-реалист. Он обращается к общественной жизни, конфликтам эпохи, социальной психологии людей, их повседневному быту и духовному миру, описывая все это очень жизненно и правдоподобно. Автор точно показывает закономерные тенденции общественного развития того времени. Словом, колорит эпохи, совокупность ее особенностей в романе воспроизводятся выразительными художественно-историческими средствами и особенно стилями. Эпоха, проникнутая романтикой, соответствует эмоционально возвышенному мироощущению автора. Ему, человеку эмоциональному и диалектически мыслящему, человеку с высокими гражданскими и патристическими чувствами, далекая эпоха эта кажется

очень близкой.

Дагестан, как свидетельствуют источники, несколько столетий был ареной геополитических и стратегических интересов великих держав, яблоком раздора между ними, особенно между Персией, Турцией и Россией.

В первой половине XVIII века страна гор была раздроблена на феодальные владения и союзы сельских общин, подвергалась непрекращающимся нашествиям иноземных захватчиков, страшнейшими из которых оказались неоднократные походы персидских завоевателей во главе с тираном, грозой вселенной Надир-шахом. Его нашествия, как справедливо и правдиво воспроизводит автор, не ограничивались грабежами и разорением сел, убийством народных героев и их семей, оказавших врагам яростное сопротивление. Весь путь захватчиков по табасаранской земле был усеян разоренными и сожженными дотла селами, телами убиенных и искаженных под копытами вражеских коней мужчин, женщин, стариков и детей. Оставшиеся в живых подвергались унижениям и оскорблениям. Кизылбаши в побежденных селах насаждали свои жестокие порядки, пагубно влиявшие дальнейшему прогрессивному развитию народа.

Сама эпоха, суровые ее вывозы повелительно требовали устранить опасности, грозящие человечеству со стороны могущественных агрессивных стран, развернуть активную народно-освободительную борьбу против их гнета, произвола, порабощения тиранами.

Описывая неравную, но героическую борьбу своего народа против тиранов и угнетателей, автор помогает читателям вырабатывать активную жизненную позицию, учит мыслить и действовать, воспитывать лучшие морально-нравственные качества.

В романе выразительно отражена жизнь табасаранского народа, запечатлены его высокие нравственные идеалы, патристические чувства и стремление к независимости, ярко и правдиво воспроизведен образ спокойной эпохи, события и конфликты того времени. В нем воплощены высокие морально-нравственные качества дагестанского народа. Автор с большим мастерством исследовал сложные социальные перипетии и коллизии той эпохи, утверждая идею дружбы

дагестанских народов, их естественную любовь к своему горному краю. Велика сила воспитательного воздействия романа на читателей. В нем не только рельефно и справедливо воспроизведены события истории, не только ярко показана самоотверженная героическая народно-освободительная борьба горцев против персидских завоевателей, но и очень выразительно раскрыт духовный мир людей той эпохи.

Текст романа изложен высоким, выразительным слогом. Характерная особенность речевой ткани – его афористичность. Она свойственна и авторскому изложению и диалогам персонажей. Автор блестяще владеет искусством диалога.

В своем воззвании к Андалалскому старшине Калук Мирза призывает его и всех предводителей других народов к объединению и тесному сотрудничеству, устранению бессмысленных преград, разъединявших дагестанские народы. В объединении он видел ту силу, которая сделала бы Дагестан более мощной страной. Воззвание Калук Мирзы пронизано духом патристизма, призывающего всех дагестанских ханов и беков сплотиться перед угрозой нашествия персидских завоевателей.

В романе создано множество положительных образов. Каждый из них неординарен, индивидуален и не похож один на другого. Многие из них, несомненно, будут волновать сердца читателей разных поколений своей необыкновенной выразительностью и обаянием. Героический дух, жажда подвигов ради освобождения своего народа от иноземных завоевателей присущи всем им.

Образы Дигер Мажвада, Калук Мирзы, Муртазали, Тавакала, Гаджи Бидала, Лингер Шабана, Гаджи Бата, Магомед Мирзы Аги, Гюлназ, Лейлы, Арзи, Зублар, Гиджар идеальны. Они наделены многими внешними и внутренними достоинствами.

Оригинален образ отважного сына воина, талантливого поэта и мыслителя Калук Мирзы, душа которого откликлась на все события того времени выразительными образами, метафорами и афоризмами. Поэт наряду с философскими стихами создавал и образы лирической поэзии, в которых воспеты тончайшие чувства человеческой души. Они отличаются романтической приподнятостью и изяществом поэтического повествования.

Калук Мирза – сын своего времени и своего народа, в полном смысле этого слова. Он олицетворяет собой дух национального единения страны гор, активным и деятельным борцом которой был он сам.

История Дагестана знает немало бессмертных имен, но имя Калук Мирзы в пантеоне общечеловеческой истории стоит рядом не только с теми, кто самоотверженно боролся за свободу и независимость своей Родины, но и с тем, кто создавал неувядаемые образцы крылатой поэзии. Он хорошо знал фольклор своего народа, пословицы и поговорки, метафорически емкие выражения народной речи, и они, как яркие звезды на небосклоне, рассыпаны в изящных его стихах и памфлетах. Он один из родоначальников табасаранской литературы. Поэт наполнял поэтическое слово социальным и философским содержанием и обогатил его новыми выразительными средствами. Он достойно воспевал и восславлял человека. Его поэзия звучит как гимн человеку тогда, когда в самой жизни он был подавлен, унижен и обречен. Его стихи «Ответ хану», «Воззвание к народу», песня, посвященная традиционной восточной теме «Счастливый Соловей» – шедевры табасаранской и дагестанской литературы. Они наполнены проклятиями палачами народа, призывами к сплочению, восхвалениями свободы и счастья.

Судьба Калук Мирзы – типичная для тех времен – это судьба мужественного и талантливого человека, который позволил себе быть вольнодумцем смелым и независимым.

Калук Мирза был образованным человеком своего времени. Будучи в Стамбуле у родственников, покинувших родные места еще во время нашествия полчищ хромого Тимура, он жадно изучал историю, философию, астрономию и естествознание. Духовное развитие поэта проходило в старинном Стамбульском университете, основанном еще в 1453 году. Поэт обладал глубоким и оригинальным мышлением, умел сопоставлять и обобщать свои знания. Все беды своего народа и родного края он видел в разобщенности его народа, их хозяйственной и культурной отсталости, в отсутствии своей государственности и институтов его управления.

Выступая на сельских сходах, он призывал на-

род обрести свою судьбу. Поэт, вытягивая свою руку вперед, говорил народу: «Посмотрите на мои пальцы, они тонкие и слабые, их можно легко согнуть (и он по одному сгибал их). А вот, когда мы их сожжем в кулак, обретем неодолимую силу.

Поэт, как и все, был земным человеком. Ничего человеческого ему не было чуждо. Его любви к Лейле автор романа придал особый лиризм, очень выразительно описав моменты их встреч.

Индивидуальны и выразительны в романе и образы представителей ополченцев: Тавакала, Муртазали, Гаджи Бидала, Чупалава и других. Ярко выраженными и обаятельными предстают перед читателями образы народных героев – мстителей: Гаджи Бата, Лингер Шабана, Пулата, Булага, Алихана, Джабара и Гаджи Юсуф Эфенди.

Автор намеренно не жалеет для отрицательных героев темных красок, чтобы показать их мошенническую мораль, высмеять моральную низость, пошлость и несостоятельность. Малла Эфенди, Мазая и многих подручных Надир-шаха, как и самого шаха, автор изображает людьми, лишенными признаков человечности. Они кровавады и хищны в своих стремлениях.

Идея, ставшая лейтмотивом романа, полностью, объединенные силы горцев Дагестана с позором изгоняют из родного края непрошенных гостей.

Издание романа, в котором правдиво воспроизводятся грандиозные героические сцены борьбы дагестанских ополченцев и разгром Надир-шаха, – это поистине знаковое событие.

Дагестан ныне переживает не лучшие времена. Роман «Тайна чести», несомненно, явится серьезным подспорьем в деле укрепления единства народов Дагестана. Кроме того, роман Багира Раджабова, бесспорно, окажет большое патристическое воздействие на подрастающее поколение молодых дагестанцев.

Думаю, огромный труд автора книги заслуживает всяческих похвал. Багир Раджабович – человек непререкаемого авторитета, высокой порядочности и культуры духа, безупречной нравственности и огромной созидательной энергии. Его публицистика, поэзия и проза давно полюбились дагестанскому читателю, и, думаю, новый роман «Тайна чести» ожидает еще немало положительных откликов.

**Магомед Гасанов,**  
профессор.



## СВО-ийь гьуллугь аплурайи эскрари чухсагьул мялум аплура



Цийи йисан гьаншарийь «Табасаран район» МР-ин Глава Мягьмед Кьурбановдин табшурегьниинди СВО-ийь Запорожский областдин Токмак шагьрийь гьуллугь аплурайи эскрариз ихь райондин саб жерге мектебарийь урхурайи баяр-шубари ва жара агьалйири посылклайири хьтаьну. Посылклайири йимишар, мани палтар, сабпи нубатнаь лазим шлу шейэр айи. Запорожский терефнаь гьуллугь аплурайи эскрари райондин глава Мягьмед Кьурбановдиз, райондин агьалйириз гуманитарин кюмек хьтапбаз ахью чухсагьул клура. Дурари гьацира Цийи йис тебрик аплбан гафар кади чпиз

кагьзар гьидиклу урхурайидаризра, соцсетариан чухсагьулин гафар клури, гьамци аьлава аплура: «Учу ич терефназ учьхьан вуйи гьайгьушин ва манишин гьисс аплурача. Багьри инсанарихьан ярхла айи вахтна ичв кьвантан вуйи янашмишвал чарасуз лазим вучуз. Жаради чухсагьулин гафар Мягьмед Кьурбановдиз ва «Дагьларин ядигар» ассоциацияин вакил Ильяс Муталимовдизра клурача. Учву тамам аплурайи ляхниз ва гьайгьушназ чухсагьул. Ичв гьайгьушназ ахью кьимат туврача. Ухью вари сатлиди ахью кьувват вухьа ва гьалибвалра ихьуб хьибди». «Ихь ватан уьбхрудар

вари халкьди чпин тереф уьбхурайивал ва сабвал гьисс аплури, хьана кьувватлу шула. Жигьилари саб-швнубан текрар гьаплнуки, бицлидарин кагьзариан дурариз чпи фужар ва фу бадали женг гьабхураш, мялум шула. Ухью гьарсар кюмек уч аплбаь иштирак шули, посылклай хьтаплури, ихь ахью армияин, бицлиб вушра, пай шулахьа». Ихь эскрар гьарган кьваь урхюри, дурарин гьайгьушназ хьувалира дурарин рюгь кьувватлу аплура, гьалибвал багахь аплуз кюмек тувра, гьапну райондин глава Мягьмед Кьурбановди.

**Фарзилат РАЖАБОВА.**

## Турнирийь арсран призер гьахьну

Кьизилюрт шагьрийь январин 5-ди спортдин мастервализ кандидат Аьгьмад Бекбарзовдин призидиз 17 йис яшнахьна вуйи баярин ва шубарин арайийь урус шашкириан республикаин турнир клули гьубшну. Турнирийь Кьизилюрт, Мягьчгьала, Хасавюрт шагьрариан, Хасавюрт, Гюмбет ва Табасаран районариан жударстар шашистар

гьаплну, хьа шубубпи йишваз Кьизилюртдиан вуйи Хизри Абдюрягьманов удучлвну.

Мадина ва Мухаммад Гьясанбеговар, Альфия Ражабова Ягьдигьарин кьялан мектебдийь урхурайидар ву. Шубред спортсменарра Дагьустандин сборный командин дахилнаь а. Гьамус гьюру турнир Мягьчгьала шагьрийь февраль



иштирак гьахьну.

Турнирийь Табасаран райондиан Урусатдин спортдин мастер Исмяил Исмяиловдин ученикар Мухаммад ва Мадина Гьясанбеговар, Альфия Ражабова иштирак гьахьну.

Сабпи йишв Кьизилюртдиан вуйи дюньяийн чемпионатдин арсран призер Амир Абдулягьдовди, кьюбпи йишв ихь ватанагьли Мухаммад Гьясанбеговди гьазанмиш

вазли клули гьабгьиди. Думу турнирийь гьалиб гьахьидариз ЮФО-ийь ва СКФО-ийь сабпи йишв бадали Волжский шагьрийь клули гьабгьуру турнириз путевкйир тувиди.

**Фарзилат РАЖАБОВА.**

**Шиклийь:** Турнирийь гьалиб гьахьли Амир Абдулягьидов, призидин йишвар гьазанмиш гьаплу Мухаммад Гьясанбегов ва Хизри Абдюрягьманов.

## Духтрин насигьят

## Глаукома уларин хатлалу уьзур ву

Глаукома-му уларин хронический уьзур ву. Дидин асас лишан улин айтл давление за хьуб ву. Жюрбежюр себебарин, хьа асас вуди дамарарин ва дамараринна –нервийрин дигишвалар айиган, яни дурар лихбан кьайда члур гьабхьиган, уларин айтл айи давлениера члур шулу. Уларин айтл айи давление, мялум вуйиганси, лазим вуйи дережайийь уларийь айи шми шейьну уьбхюру. Хьа дамарарин ва дамараринна-нервийрин лихбан кьайдйир члур гьахьиган, уларийь айи шми шейьнан либхувал (циркуляция) члур шулу, яни думу саб йишвахьна артухь уч шулу ва гьаци давлениера за шулу.

Думу за хьпахь, улин либхувалра, рябкьювалра члур шулу. Дици хьувалиан улин сетчатый оболочкаийь нервийрин элементар бегьемди йихубра, рябкьбан нервдийь сагь аплуз даршлу дигишваларихьна хубра мумкин ву.

Глаукома асас вуди 40-

50 йис хьпан кьяляхь артмиш хьуз хьубгьуру. Лап цлиб дюшюшарийь бицлидаринна (бабкан шлугантан айиб) ва живанаринна (живанарин глаукома) глаукома шулу. Артмиш шлу глаукомаийн сифтейин лишнариккан вуди акв тувру шейэрихьинди гьилигиган, дурарин гьваларихьди рангнан кругарякьуб ву. Думутланна савайи, жюрбежюр шейэриз лигруган, дурарин гьирагьар, вуйибси, лап уччуйи рякьюрдар. Му гьяракатар, мумкин ву, сифте саб улиьтан дархьуз. Бязи вахтари, асас вуди гьачлнинган, 1-3 сьаьтдикьан улин давление за дубхьнайибси гьис аплурва: уларихьанди улчлварихь ва унтлаь. Глаукома сабпну приступдиланра ккебгьуз мумкин ву. Ул ва клулин гьадму ул айи тереф ижмиди ищру шулу. Ул уьру шулу, улчлварихьишв аьбгьюру, рябкьювал кам шулу, бязиган бедендин умуми гьял члур шулу, юкльв бикьуру ва эдебчуз ккун

шулу.

Глаукома артмиш хьуз хьюгьну сифте вахтаритлан думу сагь аплуз хьюгьну, натижйир жудар шулу. Сагь аплбан хьуркьувал ужуб режимдикан асиллу шулу. Йишвандин нивкль 7-8 сьаьтди давам дубхьну ккунду. Нивкль аплайиз улихьна шлубкьан хураг ипну ккундар, хулаь марцци гьава абхьуз гьитри, марцци гьавайихь сейир аплури ккунду. Ахуз дахьруган, клуликк ккаий гута ягьлиб дубхьну ккунду, даршиш клул лап исди айивали улиь ифи ва шми шейь уч хьуз гьитру, хьа дурари давление за аплуру. Гьадму себебнаан гьачлнинган ахникк кьандиз дахьну гьузну ккундар. Ляхин фикир аплбахьди аьлакьалу вуйидариз йигьандин арайийь физический нагрузкаийн жюрбежюр ляхнар клулиз адагьуб теклиф аплура: марцци гьавайихь бизар хьайизкьан дарди сейир аплуб хайирлу ву.

Кьиванди гьибтну ккундуки, клулихьна ифи уч хьували улин айтл айи давление за аплуз мумкин ву. Гьадму себебнаан клул лап мани даплну ккундар. Улин айтл айи давление гьацира мучлу йишваьра за хьуз мумкин ву. Гьаддиз глаукома айидари мучлу аьйнийр алахьну, кьанариз мучлу йишваь гьузну, дахьруган улдарихь чарчар хьаьну ккундар.

Глаукомаийихьди ищурайидари бегьемди беден, клул лап ис даплну ккундар. Дурариз аку-чру аьйнийр алахьуб хайирлу ву. Шлубкьан дердер-фикрар цлиб даплну ккунду.

Глаукома айидариз дюзди хураг кьабул аплбан эгьемиятра ахьуб ву. Хураг гьаригьан 4-5 ражаритлан цлиб дарди ва саб вахтна кьабул аплури, хьа хьабхьдин хураг ахайиз кьуб сьаьт улихьна ипну ккунду. Хураг шлубкьан набататарин ччимдиин гьязур гьаплуш, ужу ву. Глаукома айириз никк, мас, шур, гьацира йимишар, бистнин мейвир,

нивкьар - жвилли мейвийр хайирлу ву. Суткаийн арайийь 5-6 стакантан артухь шид дубхьну ккундар, хьа сабишвинди-саб стакантан артухь. Гизаф ранг кайи чай ва кофе ишлетмиш даплну ккундар. Папрусра, спирт кайи напитокйирра кьадагьа даплна.

Медикаментариинди сагь аплбан ляхин анжах духтри клули гьабхуру. Эгер духтри тьийн даплнайи дармнар ишлетмиш ва улупнайи режим тамам аплурушра, улин айтл айи давление ис шулдарш, думу оперативно сагь даплну ккунду, яни духтри улиь айи шми шейь манигьвалар адарди лихьбаз шарайтар яратмиш аплуру.

Кьиван даплну ккундуки, 40 йислан зина вуйи гьарсар кас йисандин арайийь саб ражнукьана уларин духтрихьна улариз лигуз дупну ккунду. Чарасуз вуди, ищру хьпан лишнар адаршра.

**М.А.Сардарова, Табасаран райондин больницайин духтур.**



### Юкью-кьюб цлар

Дюнья убгурайи Ахульго гъулаз  
 Артухъ ухшар шули а йислан йисаз.  
 Ккидипидин диктатурайи думу,  
 Дархъиш, хури абдалвал, азадвали?  
 \*\*\*

Йиклурайи дагълуйи гъапну: «Узу  
 Гъапундарза гага ва дада пашман.  
 Чухсагълул, къисмат, яв уж`вализ думу...»  
 Агъ! Гъахънийиш пуз думу гафар узхъан!  
 \*\*\*

Жил`ин али нази-нигмат саспиган  
 Уъмригъ фукъан гъякъсузди пай аплураш!  
 Йиз ушвнигъ йикк убжра гъи, сппар  
 имдруган,  
 Сппар айиган, тувруб вуйи анжагъ аш.  
 \*\*\*

Я узхъан, я увхъан уллучу вуз даршлу  
 Шубуб рьякъ агъязуз вари рьякъяркан:  
 Саб рьякъ – поэзия, тмунуб – аьжал ву.  
 Хъа шубубиб? Думу ву гъарсарин чан.

-Инсанаригъ хъуз читин ву шлиз  
 вартлан?  
 - Шлихъ хъугъурдарш, гъадугъаз ву  
 гъагъиди!  
 - Хъа шлиз вуйклан, йип, думутлан  
 читинди?  
 - Гъич сар касдихъра учв хъругъру  
 инсандиз!  
 \*\*\*

Бабкан хъувал – му ву, клур, ихъ сабпи гур,  
 Аьжал – къюбпиб, уьмур аплуруб гурбагур.  
 Хияларик, агъдрузвал`ан, ккундийвуз  
 Гъятта варжпи гуриланра уллучу вуз.  
 \*\*\*

Гъит гаш дяркъьри гъич саризра ухъан,  
 Гъит гъич сарра къадарсуз даришри тухъ.  
 Сар гаш`валиан шулу пис, агъдабан,  
 Тмунур пис ву, учв тухъ вуйиган артухъ.  
 (Табасаран чIалназ илтIибкIур  
 Аь. КЪУРБАНОВ).

Гюльжамал Амирялиева

### Гъузди гъаргандиз чIивиди!

Гъулаз хъубкъган, микIси тIурфнин,  
 Уву гъакIну клуру хабар,  
 Нефесра, уьмурра, дадин,  
 Дийигънийи, жан аьзиз бай.

КIваз сагъ даршлу зиян гъабхъну,  
 ЧIиви зиян, сабаб адру.

Узуз, «яв бай гъакIну» клури,  
 МакIанай! Думу йиз уьмригъ  
 Ва йиз клван марщци гъиссаригъ  
 Гъузди гъаргандиз чIивиди!

Йиз клван хъуб пайнакан саб пай  
 КадабтIну думу яв дердну.


### СпецоперацIийи гъакIи бализ

Хулагъ йишвну пашманди шам убгура,  
 Ялгъуз дада деъна, сюбюгънар  
 хъаъри,  
 Бахш аплури бализ дюъйир, ишура,  
 Балин дердну дада, шамси,  
 ерцIура.

Йигъну давам шулу сюгъбат дададин,  
 Аьзиз балин накъвдин гъвандик  
 кивну маш,  
 Балихъ мягърум хъубтIан зурба  
 дерд айин?  
 Балин машси гъугъубжвур  
 мрамардаш.

Дадаи чав-чакна текрар аплура:  
 «Нацистарихъди гъизгъин вуйи  
 женгнаъ,  
 Душмнин гюлле кубкIну, уву  
 дахънайган,  
 Жан бай, узу яв багахъ гъаз  
 хъадайклан?»

Дадаин юкIв хъубгънадар, ваъ,  
 либгура,  
 Нагагъ чан бай гъаш таяригъ,  
 дустаригъ...  
 Умуд кади балин сурат абгура.  
 МучIу завук кайи аку хъадаригъ.



Татларин къялан мектебдин мялимарин, техработникарин ва урхурайидарин коллективди, душваъ мялимди лихурайи Исамутдин Рамазановдин гага гизаф йисари гъадму мектебди мялимди гъилиху

**Аьбдусалам Рамазанов**

кечмиш хъувал дерин пашманвалиинди мялум апIбахъди сабси, дугъаз, дугъан хизандиз ва багахълууйириз башсагълугъвал мялум аплура.

Райондин 4-пи нумрайин ДЮСШ-ийн коллективди, душваъ тренерди лихурайи Исамутдин Рамазановдин гага, хайлин йисари райондин спортшколийиригъ лихури гъахъи

**Аьбдусалам**

кечмиш хъувал дерин пашманвалиинди мялум апIбахъди сабси, дугъаз, дугъан хизандиз ва багахълууйириз башсагълугъвал ккун аплура.

## К сведению выпускников прошлых лет

«Управление образования администрации МР «Табасаранский район» сообщает, что в рамках подготовки и проведения ГИА в форме ЕГЭ в 2025 году осуществляется прием заявлений у выпускников прошлых лет (ВПЛ).

Выпускники прошлых лет и обучающиеся СПО участвуют в ЕГЭ по следующим учебным предметам: «Биология», «География», «Иностранные языки» (английский, испанский, китайский, немецкий и французский), «Информатика», «История», «Литература», математика профильного уровня, «Обществознание», «Русский язык», «Физика», «Химия» - по своему выбору для представления результатов ЕГЭ при приеме на обучение по программам ба-

калавриата и программам специалитета.

Для участия в ЕГЭ вышеперечисленные лица до 1 февраля включительно подают заявления с указанием выбранных учебных предметов и сроков участия в ЕГЭ в МКУ «Управление образования» МР «Табасаранский район».

Заявления об участии в ЕГЭ подаются участниками лично при предъявлении документов, удостоверяющих личность или их родителями (законными представителями) при предъявлении документов, удостоверяющих личность, или уполномоченными лицами при предъявлении документов, удостоверяющих личность, и доверенности.

Участники ЕГЭ с ограниченными возможностя-

ми здоровья при подаче заявлений об участии в ЕГЭ предъявляют оригинал или надлежащим образом заверенную копию рекомендаций ПМПК, а участники ЕГЭ - дети-инвалиды и инвалиды - оригинал или надлежащим образом заверенную копию справки, подтверждающей инвалидность, а также оригинал или надлежащим образом заверенную копию рекомендаций ПМПК. Выпускники прошлых лет при подаче заявлений об участии в ЕГЭ предъявляют оригиналы документов об образовании или надлежащим образом заверенные копии документов об образовании. Оригинал (копия) иностранного документа об образовании представляется с заверенным переводом с ино-

странного языка.

Участники ЕГЭ вправе подать заявления об участии в ЕГЭ после 1 февраля только при наличии у них уважительных причин (болезни или иных обстоятельств), подтвержденных документально.

В этом случае указанные лица подают в ГЭК заявления об участии в ЕГЭ, а также документы, подтверждающие отсутствие возможности подать заявления об участии в ЕГЭ в срок, установленный в порядке проведения ГИА.

Участники ЕГЭ вправе изменить (дополнить) перечень указанных в заявлениях об участии в ЕГЭ учебных предметов, изменить сроки участия в ЕГЭ при наличии у них уважительных причин (болезни или иных обстоятельств), подтвержден-

денных документально.

В этом случае участники ЕГЭ подают в ГЭК соответствующие заявления с указанием измененного (дополненного) перечня учебных предметов, по которым они планируют сдавать экзамены, и (или) измененных сроков участия в ЕГЭ, а также документы, подтверждающие уважительность причин изменения (дополнения) перечня учебных предметов и (или) сроков участия в ЕГЭ. Указанные заявления подаются не позднее чем за две недели до начала соответствующего экзамена.

Контактные номера: 89634154184 89634248377

**Начальник МКУ «Управление образования» А.Гасанов.**

Учредитель:  
 Администрация МР «Табасаранский район».

Главный редактор  
 И.М. Яралиев.

Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г  
 Регистрационный номер: ПИ № ФС 05-0013.

ИНДЕКС-51375.  
 Адрес редакции и издателя: 368650, РД, Табасаранский район, с.Хучни, «Редакция газеты «Табасарандин сес» («Голос Табасарана»).

Срок подписания в печать по графику - 17.00  
 Подписано в печать - 17.00

Телефон:  
 Главного редактора - 8-967-390-76-85.

Адрес электронной почты:  
 golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.

По всем вопросам качества печати обращаться в типографию

Тираж 2339  
 Заказ №